

SOGBEMBE

Tunggubmang 1

1:1-25 Kawawangang Kwidnang Kwidnang Ilinding Mge.

1-5 Kugngangat Kawawangang kululung ma msat mge. Msat belak wengge. Yanggut Kawawangalen Emetagang nembu tembe palen kwatam tage. Tambu sogngang ilinding bepeye.

Kawawangang zeye, "Busadnang bek." Zeme busadnang egme dolagngang beme msasa kuye. Egang tambu sosobgadnang kalangti tambumbu kuye. Ke msasa kwep.

Kawawangang zeye, "Tuyang kalangti nodnang gwaen mowabme nodnang baen talit." Zeme kogok wengge. Kawawangang mundum kalanggaen kwidnang kuye. Ke msasa zut.

9-10 Kawawangang zeye, "Tu kulu kandungan egngenang mundum kwep ondagme msat katitingang sogbak." Zeme keyet sepem mbien.

11-13 Kawawangang zeye, "Msikokok sepem ilinding ma tep sepem ilinding msalen kwalit." Zeme keyang kogok kwabien. Egngen aligalik

II Kolin 4:6

II Pita 3:5

Ke ngep yek. Keyebm neng egat imbingang msap.
Egang mukulem mpeme egat imbingang besem."

Zenti Kawawangang Adam mpeme meluk kopangang
weme Adamgat gadnang mti sesumbanangang munduman
bekek penti gadnangang imbi mge. Âbme Adamang
belep zeme Kawawangang imbi tetimti anmagen mege.

Âbme Adamang imbingang ekte zeye, "Geng
nâgât sepemnembong. Kawawangang nâgât gadnang
ngep keyebm neng kwidi imbi kuyap."

Keyebm anang mamang bibmang katipenti
imbingang aikti eget ilisakwep bewalup.

Kawawangang diidoeye, "It nembangidne
sogbemti kwidnang katang damung mbalup."

Egelang talak tati sakambuk ku mimbun.

Kawawangang sambe mti egme dolanggang penang
beye. Ke msasa bet nembet delang nembagat kwep.
Kawawangang mulubmang mdelang penti kâdnâye.
Ke msasa bet nembet delang nembagat zut. Egang
kuyeyen msasa sekam igak.

Tunggubmang 3

3.1-24 Am Yom Mbun.

1-7 #### Nombe nânangang temang. Egang

Matiyu 19:5; Mak 10:7-8; I Kolin 6:16; Epesa 5:31

Hibilu 4:4,10

Zikat Sasangang 12:9, 20:2

imbiyet yangkwisinti zeye, "Kawawangang geng muluwen tep egngengat kalin niniping mbalup zeye?"

Imbiyang dob mang gilik pem zeye, "Nit tep kadnang ilinding ngep ntingut melakwep mulup tunggubman ke niniping mbalup. Nit ke tangguwalup beme gakiwalup."

Zeme nombeyang zeye, "It ku gakiwalup. It pembenang bekanang keyelen yangang ngep nâmatâbalup. Keyebm it Kawawangnembong bewalup. Egang ke nâin."

Zeme imbiyang tep kadnang egme niniyelen beye. Egang mâtâ nti ab mang kogak same ningge. Âbme ntinggut egelang pembenang ma bekanang keyet yangang nâmbun. Egelang talak tati ekti keyebm sakambuk mbun. Egelang tep sinang mutunti ilidanggat nap simbilit mtabun.

8-21 Gasiyet Kawawangang muluwen mege. Âbme Adamak imbingang egelang Kawawanggat kwisagngang nânti tep tunggubman anziliwun.

Kawawangang kwizet kuye, "Geng den?"

Anang dob mang gilik pem zeye, "Neng gâgât kwisagdi nânti, neng talak tabmayebm, kinggati, anziliya."

Zeme Kawawangang zeye, "Kwiyang dinggong geng talak? Geng tep kadnang angginang mgewanen ke nnak?"

Zeme Adamang zeye, "Imbi pi geng namane egang kadnang name niya."

Zeme imbiyang zeye, "Nombeyang tatineme neng tep kadnang niya."

Zeme Kawawangang nombeyet zeye, "Keyet dobmang geng kambagdan banggumen lelenti mambanik. ## Neng gâlen aligdi ma imbiyelen aligngang kasa miindewap. Geng set kasangang kaindeyelen iwanik, keyanggut kaindeyang gâgât ngogdi iwe."

Kawawangang imbiyet zeye, "Geng kogok mnaggabm nembandi sogbembeyelen sindem temang manâmambanik. Geng ab danggat nâmane egang gig damung mbe."

Kawawangang Adamgat dunduye, "Geng kogok mnaggabm neng nosi didik mma kwabe. Mulup temang mtiyetang penangang maaignimambanik. Neng msalang mgewangat maneti gakinti msayegak bewanik."

Zenti Kawawangang songgo segngang mti sanggum melakandung omsili idame timalu toge.

Imbiyang ninggalen mamm beye. Adamang egat kwidnang Ewa kuye.

22-24 Adam ma Ewa egelang pembenang ma bekanang yangang nâmatâbun. ##### Kogogabm am tep
II Kolin 11:3, I Timoti 2:14 ### Hibilu 6:8
Zikat Sasangang 12:17 ##### Zikat Sasangang 22:14

kadnang mamayelen kapi ku nimbuk zenzengangang
nimbungabm idame mebun. Egang kogak kalem mulup
dolagngang solonan indeme tep mamayelen kalem
mbien. Wanam temang sogngangmak indaye. An ma
imbingang mulup dolagngang katipenti mulup ngen
yangbenti mbun.